



# Qhia Paub Txog Kev Hloov Kho Qhov Kev Pab Rau Kev Saws Me Nyuam

## Adoption Assistance Amendment Information

Wisconsin Department of Children and Families  
Division of Safety and Permanence



*Cov tsev neeg uas muaj ib daim Adoption Assistance Agreement (ntawv cog lus) tseem siv tau yuav thov tau ib daim los hloov kho rau. Qhov yuav pom zoo tso cai rau ib daim los hloov kho rau daim ntawv cog lus yuav yog cov tsev neeg xa ib co ntaub ntawv mus rau Department of Children and Families (lub department).*

**1. Leej twg thiaj thov tau ib daim ntawv los hloov kho qhov kev pab rau kev saws me nyuam?**

Cov niam cov txiv saws me nyuam uas tau kos npe rau ib daim ntawv cog lus tseem siv tau uas tau txais nyiaj pab txog \$0 los yog ntau dua muaj feem los mus thov ib daim ntawv los hloov kho qhov kev pab rau kev saws me nyuam yog:

- a. lawv hais tias nws muaj ib qho hloov loj heev ntawm lawv tus me nyuam cov kev xav tau kev pab txij thaum tau kos npe rau daim ntawv cog lus; **thiab**
- b. nws twb tau muaj 12 lub hlis lawm los yog ntau dua tom qab tau saws ib tug me nyuam muaj teeb meem xav tau cov kev pab tshwj xeeb los yog yuav muaj tau teeb meem xav tau cov kev pab tshwj xeeb raws li tau muab txhais rau hauv Wisconsin Administrative Code Section 50.03(1)(b)1., 2., 3. or 4. or 5; **los yog**
- c. nws twb tau muaj 12 lub hlis lawm txij thaum tau txais ib daim ntawv thov los hloov kho zaum tas los no; **los yog**
- d. tsawg kawg 12 lub hlis twb dhau los lawm txij thaum tau ib daim hloov kho rau daim ntawv cog lus; **los yog**
- e. nws yog hauv 120 hnuv ua ntej ib daim ntawv cog lus muab hloov kho tas sij hawm siv tsis tau.

Hauv 120 hnuv ua ntej ib daim ntawv hloov kho tas sij hawm siv tsis tau, tsev neeg yuav tsum xa ib daim ntawv thov hloov kho tshiab yog lawv xav tias tus me nyuam cov kev xav tau kev pab los tu nws muaj mus ntxiv txog rau theem siab dua qhov tau hais tseg thaum lub sij hawm xub kos npe thawj zaug rau daim ntawv cog lus los yog thaum kos npe rau daim ntawv hloov kho tam sim no.

**2. Leej twg thiaj muaj feem tau txais nyiaj muab ntxiv rau qhov kev pab rau kev saws me nyuam?**

Cov niam cov txiv saws me nyuam uas muaj raws li cov nqes lus teev saum no muaj feem los mus thov ib daim ntawv hloov kho.

Cov cai tswj thiab kev tswj hwm cov cai pub rau muab kev pab nyiaj ntxiv rau theem muaj cov teeb meem kev nyuaj hauv peb yam no (kev tswj tus kheej, tus cwj pwm kev coj thiab kev tu lub cev/tus kheej).

Tsab cai lij choj tsis pub nce ntxiv rau qhov nyiaj muab pab ntxiv (exceptional payment), thiab tsis pub tsa muaj ib qhov nyiaj muab pab ntxiv (exceptional payment) rau ib daim ntawv cog lus tom qab saws ib tug me nyuam lawm.

Ua ntej pom zoo muab ib qho nyiaj ntxiv lub department yuav tsum tau nug qhov chaw los yog cov chaw khiav hauj lwm hauv qhov (cov) chaw muaj cai tswj uas cov niam cov txiv saws tau nyob los txij thaum muab tus me nyuam tso nrog nyob. Ntaub ntawv hais txog kev tshawb pom muaj kev tsim txom tsis saib xyuas tus me nyuam los ntawm cov niam cov txiv saws yuav tsum tau nug kom muab.

Tus me nyuam muaj feem tau txais ib qho nyiaj ntxiv yog hais tias tus me nyuam cov kev xav tau nce txog theem nyuaj hauj sim mus rau theem nyuaj heev yuav tsum tau kev pab raws li tau muab txhais rau hauv Wisconsin Administrative Code §§ DCF 50.044(3) and 50.05(3), cov kev txwv nyob hauv tsab cai lij choj rau kev pab rau kev saws me nyuam cov nyiaj nce ntxiv tseem tsis tau muab hais tiav, thiab tsis pom muaj kev tsim txom tsis saib xyuas me nyuam los ntawm cov niam cov txiv saws ntsig txog tus me nyuam.

**3. Qhov nyiaj pab muab txhua lub hlis rau qhov kev pab rau kev saws me nyuam thaum xub thawj muab los txiav txim li cas?**

Kev pab rau kev saws me nyuam yog muab raws li qhov Uniform Foster Care Rate tam sim no, uas xam txog tus me nyuam lub hnuv nyoog, thiab ib qho muab ntxiv uas yog vim los ntawm ib qho kev ntsuas pom tus me nyuam kev tswj tus kheej, tus cwj pwm, los yog kev tu lub cev/los yog tus kheej cov kev xav tau kev pab. Yog muaj qhov no, qhov nyiaj kuj muaj ib qhov nyiaj muab pab ntxiv (exceptional rate) nyob hauv thiab. Yuav tsum tau tsa kom muaj ib qhov nyiaj muab pab ntxiv (exceptional rate) *ua ntej* qhov kev saws muab lis tiav tas.

**4. Daim ntawv thov hloov kho Adoption Assistance Amendment Request (Thov) muab ua kom tiav li cas thiab ntaub ntawv dab tsi ntxiv yuav tau muab xa mus?**

Cov niam cov txiv saws yuav tsum qhia cov kev tswj tus kheej, tus cwj pwm, los yog kev tu lub cev/los yog tus kheej cov kev xav tau kev pab ntawm tus me nyuam rau ntawm daim foos ua mus Thov. Cov ntaub ntawv teev tus me nyuam cov kev pab tshwj xeeb xav tau tam sim no los ntawm cov kws paub hauj lwm tshaj lij yuav tsum muab xa nrog daim foos ua Thov mus rau lub department xwv kom thiaj muab tau los xyuas tias tej kev pauv ntawm tus me nyuam muaj tseeb tiag. Ntaub ntawv kuj yuav yog ib cov lus los ntawm tus kws paub hauj lwm tshaj lij sau hais tias nws pom zoo raws li lub neej thiab theem ntawm cov kev xav tau kev pab tshwj xeeb uas tau muab sau rau ntawm daim foos ua mus Thov. Cov ntaub ntawv no yuav tsum sau hnuv rau tsis pub dhau rau (6) lub hlis ua ntej hnuv thov kom hloov kho. Daim foos ua mus Thov thiab cov ntaub ntawv muab nrog yuav tsum muab xa rov qab mus rau lub department kom lawv muab los xyuas.

**5. Lub department puas hais tau kom muab ntaub ntawv ntxiv?**

Lub department kuj yuav hais kom muab ntaub ntawv ntxiv hais txog tus me nyuam txoj kev noj kev haus thiab mus los tam sim no, thiab kuj yuav hais kom ib tug kws paub zoo txog fab hauj lwm ntawd uas yog lub department ua tus xaiv thiab them nyiaj rau los mus ntsuam xyuas tus me nyuam thiab sau txog txhua yam tseem ceeb uas yuav muab siv rau qhov kev txiav txim.

**6. Yog tias, tom qab xyuas cov ntaub ntawv thov kom hloov kho, lub department txiav txim tias cov kev xav tau kev pab ntawm tus me nyuam muaj tsawg dua lawm txij thaum xub ua daim ntawv cog lus, qhov nyiaj pab rau kev saws me nyuam puas yuav muab txo kom tsawg?**

Qhov nyiaj them pab rau kev saws me nyuam txhua hlis yuav tsis tsawg tshaj qhov muab rau hauv thawj daim ntawv cog lus Adoption Assistance, tshwj tias ntshe cov niam cov txiv saws pom zoo no xwb. Ib qho nyiaj uas tau muab nce ntxiv raws li daim ntawv cog lus muab hloov kho yuav muab txo tau kom tsawg dua li qhov tau hais rau hauv daim ntawv cog lus Adoption Assistance Agreement xub thawj yog tias kev tswj tus kheej, tus cwj pwm, los yog kev tu lub cev/los yog tus kheej cov kev xav tau kev pab ntawm tus me nyuam yav dhau los muab sau tsis tau kom muaj ntaub ntawv ntxiv.

**7. Qhov nyiaj muab pab ntxiv (exceptional payment) muab tsa kom muaj cia rau ntawd los yog muab nce ntxiv puas tau thaum ua ntawv thov ib daim hloov kho?**

Qhov nyiaj muab pab ntxiv (exceptional payment), yog muaj rau qov no, yuav tsum muaj txiav txim seb yuav muab npaum cas ua ntej thaum kos npe rau daim ntawv cog lus xub thawj. Tsis muaj qhov yuav kho ntxiv rau ib qhov nyiaj muab pab ntxiv (exceptional rate) uas twb muaj lawm. Tsis muaj ib qho nyiaj muab pab ntxiv (exceptional rate) uas yuav muab tsa kom muaj tom qab qhov kev saws ua tiav tas.

**8. Vim li cas lub department ho hu rau qhov chaw los yog cov chaw khiav hauj lwm pab neeg ua ntej hloov kho daim ntawv cog lus xub ua?**

Thaum cov tib neeg muaj feem rau ib qho hloov kho rau ib daim ntawv cog lus, tsab cai Wisconsin Administrative Code Chapter DCF 50 hais kom lub department yuav tsum hu rau qhov chaw los yog cov chaw khiav hauj lwm pab neeg kom muab ntaub ntawv qhia txog tej lus nrhiav tau txog kev tsim txom tsis saib xyuas tus me nyuam los ntawm cov niam cov txiv saws. Yuav tsis muab ib qho nyiaj pab ntxiv yog muaj kev tsim txom tsis saib xyuas tus me nyuam los ntawm cov niam cov txiv saws.

**9. Qhov nyiaj muab hloov kho ntxiv yuav tau mus ntev li cas?**

Qhov hloov kho rau daim ntawv cog lus xub thawj yuav siv tau mus ntev txog kaum ob (12) lub hlis los yog kom txog rau thaum muaj ib qhov tas los yog ncuu tseg twg uas tau muab hais tseg rau hauv thawj daim ntawv cog lus, raws nraim li tsab cai lij choj. Ua ntej daim ntawv hloov kho tas sij hawm siv tsis tau lub department yuav hais rau cov niam cov txiv saws kom nco tias ib daim foos Thov tshiab kom hloov kho yuav tsum muab ua kom tiav thiab muab xa mus nrog tej ntaub ntawv kom muab. Thaum tau txais lawm, lub department yuav muab cov ntaub ntawv los xyuas los mus txiav txim seb cov lus hais txog tej kev pauv ntawm tus me nyuam puas tseem muaj mus ntxiv los tsis muaj. Ces lub department mam hais rau tsev neeg paub seb qhov nyiaj pab rau qhov kev saws me nyuam puas muab nce ntxiv los tsis nce, muab mus ntxiv los yog muab txo uas tsis pub kom tsawg tshaj qhov tau muab tsa muaj los ntawm daim ntawv cog lus xub thawj.

**10. Lub department qhov kev txiav txim rau qhov hloov kho muab rov los sib hais dua puas tau?**

Tau, lub department qhov kev txiav txim rau ib qhov hloov kho yuav thov tau kom muab rov los sib hais dua. Ib daim ntawv thov kom muaj ib lub rooj mloog kev ncaj ncees rau lub department qhov kev txiav txim rau ib qhov hloov kho yuav tsum tau txais los ntawm Division of Hearings and Appeals tsis pub dhau rau caum (60) hnuv txij hnuv uas lub department tau sau nws qhov kev txiav txim hais txog daim ntawv hloov kho. Qhov chaw xa ntawv ntawm Division of Hearings and Appeals yog: P.O. Box 7875, Madison, WI 53707.

**Yog xav paub ntxiv, thov hu rau:**

Adoption Assistance Program Specialist  
Wisconsin Department of Children and Families  
Division of Safety and Permanence  
Bureau of Permanence and Out-of-Home Care  
P.O. Box 8916  
Madison, WI 53708-8916

Xov tooj: (866) 666-5532 (hu dawb)  
Fax: (608) 264-6750

Website:

<https://dcf.wisconsin.gov/adoption/assistance>

Tus cim Wisconsin State Code uas muab hais rau hauv daim ntawv tseb no yuav muab tau nyob rau ntawm lub website nram qab no:

Chapter DCF 50: [http://docs.legis.wisconsin.gov/code/admin\\_code/dcf/021\\_099/50.pdf](http://docs.legis.wisconsin.gov/code/admin_code/dcf/021_099/50.pdf).

DCF DCF yog ib tus tswv hauj lwm thiab ib qhov chaw muab kev pab cuam muaj vaj huam sib luag rau sawv daws. Yog koj muaj ib tus mob xiam oo qhab tsis taus thiab xav tau cov ntaub ntawv no ua lwm hom kom koj nyeem tau, los yog kom muab txhais ua lwm hom lus, thov hu rau ntawm (608) 266-8787 los yog 711 TTY. Muaj lus nug txog neeg cov cai hu rau (608) 422-6889 los yog (866) 711 TTY (Hu Dawb).